

Materija iz opšteg dijela stručnog ispita obradjena je u raznim priručnicima za polaganje stručnih ispita radnika u državnim organima, ustanovama i drugim organizacijama. Jedan od izdavača je "Savremena administracija" Beograd, pa se kandidati preporučuje da koriste ovaj priručnik. Međutim neka izdaja ne obradjuju Ustavne amandmane pošto su štampani prije donošenja amandmana, pa se kandidati upozoravaju da treba i ovu materiju da obrade.

**SAVJETOVANJE O AUTOMATIZACIJI U GEODEZIJI I TREĆA  
REDOVNA I JUBILARNA SKUPŠTINA SGIGJ ODRŽANI  
SU U VRNJAČKOJ BANJI 23, 24 i 25.11.1973.**

Na savjetovanju je podnesen veći broj referata i koreferata. Ovo savjetovanje predstavlja novi kvalitet skupova ove vrste za nas. Dat je prikaz o automatizaciji u svim oblastima geodezije i to:

1. Geodetske mreže. Nivelanje iz automobila, mjerjenje dužina elektronskim daljinomjerima, automatsko registrovanje mjerjenih podataka uz kompjutersku obradu.
2. Snimanje detalja. Nova dostignuća u fotogrametriji uz potpunu automatizaciju kod dalje obrade podataka, pomoću registratora, plotera i računara.
3. Primjenjenu geodeziju, primjena fotogrametrije kod projektovanja komunikacija.

Ipak se može reći da je na ovom Savjetovanju više bilo riječi o mogućnostima i dostignućima u svijetu nego što je do sada postigao u našoj zemlji.

Možda ćemo imati prilike da vidimo filmski prikaz primjene fotogrametrije kod trasiranja puteva koji su obećali drugovi iz Slovenije poslati profesoru Aganović Ismetu.

Na jubilarnoj skupštini za počasne i zasluzne članove SGIGJ iz naše Republike proglašeni su:

Prof. Aganović Ismet, za počasnog člana  
Ahmetanović Abdulah, za zasluznog člana  
Kričić Mehmed, za zasluznog člana  
Lukić Vladimir, za zasluznog člana  
Muhamedagić Husein, za zasluznog člana.

Specijalne plakete SGIGJ dobili iz naše Republike:

Prof. Aganović Ismet  
Salih Kabil  
Vranješ Miloš  
Podružnica GIG-a Sarajevo.

Na Trećoj redovnoj skupštini SGIGJ za predsjednika izabran je drug Budar Ivan, zaposlen u VGI Beograd.

Milišić Božidar